

Inatsisartut Suleriaasiata allangortinneqarnissaanik siunnersuut.

(Inatsisartut Siulittaasuut)

Saqqummiussissut**Siullermeerinnineq**

Inatsisartuni piffissat oqaaseqarfiusinnaasut kingullermik allangortinneqarmata qanga piffissat oqaaseqarfiusinnaasut atuunneranni isumaliutissiissutini amerlanerussuteqartut ikinnerussuteqartulluunniit oqaaseqaataannik atuaasarnermik periaasiusimasup atorunnaarsinneqarnissaa qularnaarneqarsimangilaq.

Piffissani oqaaseqarfiusinnaasuni nutaani partiit oqaaseqarnerini partiit oqaaseqartartuisa partiit isumaannik aalajangersimasunik ilanngussisarsinnaanissaat isiginiarneqareersimavoq.

Taamaalilluni suleriaatsip matumani allangortinneqarnissaanik siunnersuutikkut siunertaangilaq isummaminnik isumaliutissiissummi amerlanerussuteqarluni ikinnerussuteqarluniluunniit ersersinneqartunik partiit issuaasarnnerisa unitsinneqarnissaa, kisianni tamanna naatsorsuutigineqareersutut pialissalluni inatsisartuni nalinginnaasumik oqallinnermut sammititamik partiit oqaaseqartartuisa oqaaseqarnerannut atatillugu.

Siunnersuutikkut taamatutaaq Inatsisartut ukiakkut ataatsimiittarnerisa qaqugukkut aallartittarnerat nikisiallanneqarpoq, siunnersuutigineqarluni 2013-imi ukiakkut ataatsimiinnermiit siunissamilu taakku septembarimi tallimangornerit aappaanni aallartittalernissaat. Taamatut siuartitsinikkut siunertaavoq ukiakkut ataatsimiinnerit ilaannikkut ulapaarfiuallaartartut tamanut toqqissisimanarnerusunik ingerlanneqartalernissaat.

Massakkut naatsorsuutigineqarpoq siunissami ukiakkut ataatsimiittarnissat ullumikkut sapaatit akunnerini arfineq-pingasuni ingerlanneqartartut sapaatit akunnerini qulingiluani ingerlanneqartalissasut, kisiannili soorunami periarfissaqalissagaluarpat ukiakkut ataatsimiinnerup sapaatit akunnerini arfineq-pingasut ingerlariiginnartut naammassinissaanut, periarfissaq tamanna atorneqarsinnaajuassalluni.

Taamatut oqaaseqarlunga siunnersuut Inatsisartunut akuersaartumik oqaluuserisassangortippara.